



Broj: JN05-16-4-56-4/19
Sarajevo, 21.06.2018.godine

Na temelju članka 25., članka 69. stavak (1) tačka a) i članka 70. Zakona o javnim nabavama („Službeni glasnik BiH“ broj: 39/14), ministar pravde Bosne i Hercegovine, donosi

O D L U K U o dodjeli ugovora u postupku javne nabave

I

Dodjeljuju se ugovor ponuđaču PETROL BH OIL COMPANY d.o.o. Sarajevo, Tešanjaska broj 24A, 71000 Sarajevo, u postupku javne nabave benzina i dizel goriva za službena motorna vozila.

II

Ponuđač iz tačke I ove odluke dostavio je najnižu cijenu u skladu sa člankom 64. stavak (1) tačka b) Zakona o javnim nabavama Bosne i Hercegovine.

O b r a z l o ž e n j e

Ministarstvo pravde Bosne i Hercegovine je Odlukom broj: JN05-16-4-56/19 od 16.04.2019.godine, pokrenulo otvoreni postupak nabavke benzina i dizel goriva za službena motorna vozila. U ostavljenom krajnjem roku za dostavljanje ponuda pristigle su ponude od sljedećih ponuđača:

1. HIFA - PETROL d.o.o. Sarajevo, Hotonj bb, 71320 Vogošća.
2. HIFA d.o.o. Tešanj, Bukva broj 9, 74260 Tešanj.
3. HIFA - OIL d.o.o. Tešanj, Bukva broj 10, 74260 Tešanj.
4. ENERGOPETROL d.d. Sarajevo, Azize Šaćirbegović broj 4b, 71000 Sarajevo i
5. PETROL BH OIL COMPANY d.o.o. Sarajevo, Tešanjaska broj 24A, 71000 Sarajevo.

Nakon analize i procjene dokumentacije priložene uz ponude, Povjerenstvo za javne nabave Ministarstva pravde BiH (u daljem tekstu: Povjerenstvo) je utvrdilo da ponude ponuđača HIFA - PETROL d.o.o Sarajevo, HIFA-OIL d.o.o. Tešanj, ENERGOPETROL d.d. Sarajevo i PETROL BH OIL COMPANY d.o.o. Sarajevo zadovoljavaju uvjete utvrđene tenderskom dokumentacijom, te se kao takve smatraju prihvatljivim, a da ponuda ponuđača HIFA d.o.o. Tešanj ne zadovoljava uvjete utvrđene tenderskom dokumentacijom, te se kao takva smatra neprihvatljivom.

Naime, Povjerenstvo je konstatiralo da ponuda ponuđača HIFA d.o.o. Tešanj sadrži potpis osobe Bedak Eldara, koji je za to ovlašten temeljem Punomoći direktora mr.scij. Murisa Hadžimehića, broj: P1133/2019 od 01.05.2019.godine. Međutim, tačkom 4.3. c) tenderske dokumentacije propisano je da ponuda mora najmanje sadržavati potpis podnosioca ponude ili ovlaštenog lica na temelju pravovaljane punomoći (pravovaljana punomoć je punomoć ovjerena kod nadležnog tijela). Predmetna Punomoć broj: P1133/2019 je potpisana i ovjerena, ali ne od strane nadležnog tijela, pa slijedom toga Povjerenstvo je konstatiralo da se u ponudi ne nalazi pravovaljana punomoć, u originalu ili ovjerenoj kopiji, a kako je to traženo spomenutom tačkom tenderske dokumentacije i Zakonom o javnim nabavama („Službeni glasnik BiH“ broj: 39/14).

S obzirom na rečeno, a budući da je člankom 68. stavak (4) tačka i) Zakona o javnim nabavama propisano da je ugovorno tijelo dužno odbaciti ponudu ukoliko ista nije potpuna i ne ispunjava zahtjeve iz tenderske dokumentacije, Povjerenstvo je konstatiralo da se ponuda ponuđača HIFA d.o.o. Tešanj odbacuje.

Povjerenstvo je dalje konstatira da je tačkom 5.6. tenderske dokumentacije propisano da će ugovorno tijelo, u svrhu poređenja ponuda, primijeniti preferencijalni tretman domaćeg u skladu sa Odlukom o obveznoj primjeni preferencijalnog tretmana domaćeg („Službeni glasnik BiH“ broj: 83/16), te da će u tom smislu, prilikom obračuna cijena ponuda u svrhu poređenja istih, umanjiti cijene domaćih ponuda za preferencijalni faktor od 5%.

Ponuđači su bili dužni, kao sastavni dio ponude, dostaviti popunjenu izjavu - Aneks 4, u kojoj će zaokružiti jednu od ponuđenih opcija a) ili b). Ukoliko ponuđač zaokruži opciju pod a), u svrhu dokazivanja da ispunjava uvjete za primjenu preferencijalnog tretmana domaćeg, dužan je, pored izjave, uz ponudu dostaviti i potvrdu Vanjskotrgovinske komore BiH ili Potvrdu privredne komore RS/FBiH, koja ne može biti starija od tri mjeseca, računajući od trenutka dostavljanja ponude (što je propisano i tačkom 4.3. o) tenderske dokumentacije).

S obzirom na navedeno, Povjerenstvo je konstatiralo da su svi ponuđači dostavili popunjenu Izjavu iz Aneksa 4 tenderske dokumentacije, u kojoj su zaokružili opciju a), te dostavili jedan od gore navedenih dokaza da ispunjavaju uvjete za primjenu preferencijalnog tretmana domaćeg.

Slijedom svega gore konstatiranog, Povjerenstvo je kroz Zapisnik o ocjeni ponuda broj: 18.6-16-4-4812-2/19 od 28.05.2019.godine, pristupilo rangiranju prihvatljivih ponuda na temelju kriterija najniže cijene i uz primjenu preferencijalnog tretmana domaćeg.

Povjerenstvo je dalje konstatiralo da je tačkom 1.4.6. tenderske dokumentacije propisano da se za predmetnu nabavu predviđa e-aukcija u skladu sa Pravilnikom o uvjetima i načinu korištenja e-aukcije („Službeni glasnik BiH“ broj: 66/16). Člankom 3. stavak (1) Pravilnika o uvjetima i načinu korištenja e-aukcije propisano je da prije zakazivanja e-aukcije ugovorno tijelo u sustav e-Nabave unosi sve prihvatljive ponude.

Slijedom navedenog, Povjerenstvo je jednoglasno dalo preporuku ministru pravde BiH da se u predmetu nabave benzina i dizel goriva za službena motorna vozila zakaže e-aukcija na način predviđen odredbama Pravilnika o uvjetima i načinu korištenja e-aukcije, a da se prije zakazivanja iste u sustav e-Nabave unesu prihvatljive ponude, odnosno ponude rangiranih ponuđača na temelju kriterija najniže cijene i uz primjenu preferencijalnog tretmana domaćeg:

1. HIFA - OIL d.o.o. Tešanj, Bukva broj 10, 74260 Tešanj,
2. ENERGOPETROL d.d. Sarajevo, Azize Šaćirbegović broj 4b, 71000 Sarajevo,
3. HIFA - PETROL d.o.o. Sarajevo, Hotonj bb, 71320 Vogošća i
4. PETROL BH OIL COMPANY d.o.o. Sarajevo, Tešanjka broj 24A, 71000 Sarajevo.

Povjerenstvo se sastalo dana 17.06.2019. godine u 14:00 sati, kako bi pregledalo Izvješće o tijeku i završetku e-aukcije u predmetu nabave benzina i dizel goriva za službena motorna vozila.

Povjerenstvo je također istaklo da je u sustav e-Nabave unijelo cijene svih gore navedenih ponuda sa preferencijalnim tretmanom domaćeg, jer su navedeni ponuđači u svojim ponudama istaknuli da se na njihove ponude primjenjuju odredbe o preferencijalnom tretmanu domaćem, a u skladu sa tačkom 5.6. tenderske dokumentacije i Odlukom o obveznoj primjeni preferencijalnog tretmana domaćeg („Službeni glasnik BiH“ broj: 83/16).

Nakon što je e-aukcija završena, a na temelju podataka iz Izvješća o tijeku i završetku e-aukcije, koji čini sastavni dio Zapisnika broj: 18.6-16-4-4812-3/19 od 17.06.2019.godine, Povjerenstvo je pristupilo rangiranju prihvatljivih ponuda.

Nadalje Povjerenstvo je konstatiralo, da je člankom 9. stavak (2) Pravilnika o uvjetima i načinu korištenja e-aukcije propisano je da ugovorno tijelo po završetku e-aukcije, u skladu sa člankom 69. Zakona o javnim nabavama („Službeni glasnik BiH“ broj: 39/14), donosi odluku o prestanku postupka javne nabave i obavještava ponuđače u skladu sa člankom 71. navedenog zakona.

Člankom 69. Zakona o javnim nabavama (Prestanak postupka javne nabave) propisano je da se postupak javne nabave može okončati: a) zaključenjem ugovora o javnoj nabavi ili okvirnog sporazuma ili b) poništenjem postupka javne nabave.

Slijedom gore navedenog, a na temelju ocjena ponuda i rezultata provedene e-aukcije, Povjerenstvo je jednoglasno dalo preporuku ministru pravde BiH da se u predmetu nabave benzina i dizel goriva za službena motorna vozila, donese odluka o dodjeli ugovora ponuđaču **PETROL BH OIL COMPANY d.o.o. Sarajevo, Tešanjaska broj 24A, 71000 Sarajevo, sa konačnom cijenom od 98.496,21 KM bez PDV-a** (slovima: devedesetosamtiisuća četrinstotinedevadesetšest i 21/100 KM).

Povjerenstvo je napomenulo da je ponuđač PETROL BH OIL COMPANY d.o.o. Sarajevo, u svojoj ponudi, dostavio dokumente tražene točkom 3.1.2. tenderske dokumentacije, a kojima dokazuje da se na njega ne odnose slučajevi definirani točkom 3.1. od a) do d) tenderske dokumentacije.

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: svaki ponuđač koji ima legitiman interes za konkretan ugovor o javnoj nabavi i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavama i/ili podzakonskih akata, ima pravo uložiti žalbu ministru pravde Bosne i Hercegovine na postupak u pisanoj formi, u roku od 10 (deset) dana od dana kada je primio Odluku, odnosno Obavještenje o rezultatima.



Prilog:
- Zapisnici o ocjeni ponuda.

Dostaviti:
- Ponuđačima u postupku javne nabave,
- a/a.